

MANAGEMENT • INVESTMENT • ECONOMICS • ENTREPRENEURSHIP • TECHNOLOGY

FIVE IMPORTANT TIPS TO HELP NOVICE
ATHLETES IN SPORTS CONFIDENCE

Turmeric & Coffee

The Suprising Ingredient Generating Short-Pulsed Laser

EMAIL CARBON FOOTPRINT

A SOURCE FOR GREENHOUSE GASES EMISSIONS

Creating Happiness

IN WORK AND LIFE IN SOCIETY: A RELIGIOS PERSPECTIVE

Teknik Pengucapan

BARACK OBAMA

eISSN 2600-9811



9 772600 981003
Publication Date
7 November 2023



PERANCANGAN PERSARAAN

1Nur Aqilah Mohamad Nasruddin, 1A'tiqah Rashidah Abu Samah, 1Roseziahazni Abdul Ghani, 1Zuraida Mohamad, 2Nor Akila Mohd Kassim dan 3Haslina Che Ngah
1Fakulti Pengurusan dan Perniagaan, Universiti Teknologi MARA Cawangan Terengganu, Dungun, Terengganu.

2Fakulti Pengurusan dan Perniagaan, Universiti Teknologi MARA Cawangan Selangor, Puncak Alam, Selangor.

3Fakulti Pengurusan Hotel dan Perlancongan, Universiti Teknologi MARA Cawangan Terengganu, Dungun, Terengganu.

Emel koresponden: atiqah@uitm.edu.my

Setiap tempoh permulaan perkhidmatan ataupun kerjaya pastinya akan berakhir dengan persaraan. Setiap individu di Malaysia mahupun di luar negara sudah tentu mengetahui tentang perkara ini. Setiap negara mempunyai umur persaraan wajib bagi rakyatnya tersendiri. Di Malaysia, umur persaraan wajib adalah 60 tahun. Namun, setiap pekerja khususnya, penjawat awam diberikan pilihan untuk bersara lebih awal. Persoalannya, adakah golongan yang akan bersara atau ingin bersara awal sudah merancang persaraan mereka dengan efisien?

Perancangan persaraan yang efisien akan membantu bakal pesara di kemudian hari,

terutamanya dalam aspek kewangan. Perancangan persaraan boleh didefinisikan sebagai kaedah menentukan objektif pendapatan pencen sekaligus menghasilkan pelan kewangan bagi merealisasikan objektif tersebut. Kaedah untuk menentukan perancangan persaraan yang lengkap adalah dengan memfokuskan kepada situasi kewangan semasa dan kos sara hidup pada masa akan datang. Ianya akan memudahkan proses mengatur strategi bagi mencukupkan wang untuk menampung kos sara hidup selepas bersara mengikut gaya hidup masing-masing.

Satu perkara yang akan berlegar dalam fikiran mengenai persaraan, adalah jumlah wang yang diperlukan untuk bersara.

Terdapat beberapa aspek yang perlu ditekankan dalam menentukan berapa banyak jumlah wang yang diperlukan oleh seseorang untuk menjamin kewangan dan ketenangan fikiran semasa tempoh bersara? Antara aspek tersebut adalah jenis gaya hidup yang mempengaruhi kos sara hidup. Semakin mewah gaya hidup seseorang, semakin tinggi kos sara hidup individu tersebut. Seterusnya, anggaran kos perbelanjaan semasa tempoh bersara seperti kos perumahan, makanan, perubatan, dan perbelanjaan kehidupan seharian. Jika anggaran kos semasa bersara adalah tinggi, maka simpanan wang persaraan juga perlu bertambah bagi menampung kos tersebut. Pemilihan umur persaraan juga perlu difokuskan kerana semakin awal seseorang itu

bersara, semakin banyak jumlah simpanan persaraan yang perlu ada. Faktor pulangan pelaburan juga boleh ditekankan. Hal ini kerana masih sedikit rakyat Malaysia yang menceburkan diri dalam pelaburan. Majoriti rakyat Malaysia gemar menyimpan aset dalam deposit bank atau wang tunai berbanding melaburkannya dalam pelaburan. Namun, ianya masih tidak terlambat untuk melabur demi kebaikan pada masa hadapan. Pulangan pelaburan yang tinggi dapat meringankan beban seseorang dalam menyimpan untuk simpanan persaraan.

Di Malaysia, terdapat beberapa platform untuk simpanan persaraan dan pelaburan. Antaranya adalah, Kumpulan Wang Simpanan Pekerja (KWSP), KWSP i-Invest, dan, Skim Persaraan Swasta atau Private Retirement Scheme (PRS).

Bukan itu sahaja, pelaburan juga dapat dilakukan dengan melabur dalam saham, bon, dan, unit amanah. Semakin awal seseorang itu melabur dan menyimpan, semakin tinggi potensi pulangan pelaburan. Hal ini disebabkan oleh hasil kompaun berganda. Sebagai contoh, seseorang

melabur sebanyak RM1,000 dan keuntungan setahun daripada pelaburan adalah 10%. Maka, wang itu telah bertambah menjadi RM1,100 setahun. Jadi untuk tahun-tahun berikutnya, katakan keuntungannya adalah sama sebanyak 10%, ianya bukan sekadar untuk RM1,000 yang menjadi asas pelaburan, tetapi juga terhadap RM100 yang diperolehi daripada tahun sebelumnya. Keadaan ini membuktikan bahawa pelaburan ada manfaatnya.

Jika seseorang itu menghampiri alam persaraan, namun simpanan persaraannya masih kurang atau tidak cukup bagi menampung kos sara hidupnya, terdapat beberapa perkara yang perlu dipertimbangkan. Antaranya, melebihi wang untuk disimpan dan dilaburkan dalam simpanan persaraan bagi menikmati lebih banyak pulangan pelaburan. Seseorang itu juga dinasihatkan supaya menyelesaikan apa-apa hutang yang tertunggak. Dengan ini, lebih banyak wang dapat disimpan demi kegunaan simpanan jangka masa panjang. Seterusnya, seseorang itu juga boleh mempertimbangkan untuk menangguhkan persaraannya dalam 1 tahun atau

2 tahun. Tindakan ini adalah untuk menjana pendapatan sekaligus meningkatkan wang simpanan persaraan. Hendaklah diingatkan bahawa akaun simpanan persaraan juga perlu disemak 1 atau 2 kali setahun bagi memastikan wang simpanan yang ada cukup dan mampu mencapai objektif pendapatan pencen yang disasar.

Kesimpulannya, perancangan persaraan amatlah penting demi menjamin kestabilan kewangan selepas bersara. Perancangan persaraan yang efisien dan berkesan mampu dihasilkan dan direalisasikan apabila seseorang itu jelas dengan objektif kewangannya. Individu tersebut hendaklah mempunyai disiplin yang tinggi dalam memastikan wang simpanan persaraannya cukup untuk menanggung kos kehidupan selepas tamat tempoh perkhidmatannya atau bersara. Rujukan:

Aziz, M. A. (2023, August 1). Majoriti rakyat berisiko tak cukup simpanan persaraan. Berita Harian. <https://www.bharian.com.my/bisnes/lain-lain/2023/07/1133885/majoriti-rakyat-berisiko-tak-cukup-simpanan-persaraan>





BizNewz 2023
Faculty of Business and Management
Universiti Teknologi MARA Cawangan Terengganu, Kampus Dungun
Sura Hujung, 23000 Dungun, Terengganu, MALAYSIA
Tel: +609-8400400
Fax: +609-8403777
Email: biznewzuitm@gmail.com